

重刊潛江縣志序

周禮春官小史掌邦國之志鄭注志
記也左傳所謂周志國語所謂鄭書
皆是也自及作史者有志蓋仿此
夫一朝之典章制度紀志不昭若合
天下郡縣而城一書則自李吉甫元

重刊潛江縣志序

一

和郡縣志始近代各省皆有通志均
彙各州縣志乃成之然則州縣之志所
繫厥不重哉安陸屬縣有西維潛江地
僻而政簡六後代有傳人至氏山川土田
財賦風尚因革衰哀之故紀志不詳乃
自康熙以後志久不修又皆殘缺漫漶

伎人不能卒讀即無以考古而俾今世

通傳之及世即此固官時士之責也陽

湖史更於先備以寅受篆斯邑甫下

車即取考鏡以失詳稽利弊苦於舊

志無徵乃進父老而詢之則皆以修志為

請夫志固難於作即修之亦易前人所具

重刊潛江縣志序

二

有成書及末其補其缺漏詳其變更

已非旦夕所能卒事況舊志已閱百餘

年又皆殘缺漫漶是名為修與作無異

然及今就文獻可徵見聞所及與失官

牒之可據其草創成書俾後來其有所

依據不特為功於將來抑亦斯邑之幸

也夫此百餘年中官斯土者或有志
未逮今史尺受事甫一載即兢
以此為急閱三月而竣事仍題曰重
刻是又不居修之名也別為後編殆
啓後來共之纂輯耳於此可知其
為政崇實不崇華務遠不務近之


重刻潛江縣志序

三

大端予故樂為序且以告後之踵
事而成書者

欽加三品銜儘先陞用道知安陸府事

涂水李慶霖撰



重刻潛江縣志序

潛邑以水得名俗所稱蘆漢河者即潛
水也又有地埤淵按爾雅江為沱漢為
潛地瀕漢而繫以江明古來沱潛故道皆
在其地前人命名之義如是然禹貢梁
州荊州並言沱潛治經家紛如聚訟蓋

重刻潛江縣志卷之首序

一

嘗尋究其故潛水性如兗州之濟隱見
不常故曰潛又瀟潛音義相近鄴道
元誤引鄭注埤於桑垣之瀟水益瀟疑
實殊不知梁州之潛由漢別出入於漢壽
通峒山大穴中伏流至荊州之域而復見一
則綴於岷嶓之下一則叙於雲夢之上

蔡氏所謂源流於是而見者經文本極分
明傳注亦復了當後儒不得其解穿鑿
支離蒙蔽千百年之耳目於以知致
古之匪易也予於光緒戊寅承乏斯
邑欲周知民間之利弊參酌古今之治
草而志乘闕如冥索旁摭久之始得

重刻潛江縣志

卷之首

序

二

成帙又皆蟬蠹之餘湯不可讀邑之父
老進曰吾邑得竟陵縣地其後為安
遠鎮宋乾德中始升為潛江縣舊志
托始於成化輯於萬曆重修於康熙今
且百數十年未有踵其事者惟君侯續
成之手應之日無以為志之繼本乎史

其源出於禮記傳之外有所不與隻字

片文於斯備錄其通博信為例

海劉知幾言之詳矣蔚宗承祚上拚

兩杯程輟不為蓋其慎也縣志之寔

善者莫若武功之康朝邑之韓靈壽

之陸而近如洪稚存章實齋兩先生且

重刻潛江縣志

卷之首

三

起而議其後矧以謗陋如予倘能奮其
筆舌是又劉知幾所謂強著一書受
嗤千載者已茲以是邦人物風土之
美誠不可任其湮沒惟取舊本重刻
之其忠孝節義科名仕宦與夫田
賦溝渠闕乎政治之大者稽致成案

別為續編訂自光緒四年止脫稿授梓
閱三月而畢功覈其實不驚乎華
志在傳信兼節糜費後有作此以
乘韋先焉可也冉子之言曰如其禮
樂以俟君子予於此蓋有俟焉刻
既成爰書數語於首簡已卯夏五

重刻潛江縣志

卷之首

四

覃恩二品

誥封花翎知府銜直隸州用權潛江縣
事陽湖史致謨撰并書

重刻潛江縣志序

嘗謂邑之有志猶國之有史家之有譜史以
載一朝之隆替譜以序一姓之昭穆志則以紀
一縣之事蹟為故必備舉其邑之縣紀天文物
輿風土饗祀學校賦役隄防河道秩官選
舉人物土產藝文罔不著之於冊以行於當

潛江縣志

卷之首

續序

一

時傳於後世者也言之無文行而不遠固非可
以率爾操觚若吾潛自有宋立縣以來前志
遠而莫稽迨豐城崔公奎修於前而成化時
有志矣婺源潘公之祥修於後而隆萬時有
志矣去古猶遙舊章半難詳核至清洞壘
公煥承邵陽王公欽修未竟之意而踵成之

筆者筆削者削原以奉班可考洵無愧信史焉然而歷今近二百年矣形勢之變遷政俗之改易有心世道者不得不因時制宜以革故而鼎新即如一兵制也舊制所無自咸豐四年兵燹圍勇陣亡者恤典昭然烏可蔑視一典神也祭器樂章頒行各學為佾舞

潛江縣志

卷之首

續序

二

所當習者至於忠節孝友代有聞人貞女義士久則就泯非有心摭摭搜輯而表揚之竊恐代遠年湮無從徵文考獻斯亦潛之憾事也欣逢邑侯史公致謨蒞任慨然念志書為急務捐俸設局禮延劉升侯孝廉襄校嗣清本學廣文郭公士元董其事進諸生耆儒

而分任之或籌費贖或備顧問或任採訪或事編次舊志已載者無庸喙贅舊志所闕者不使漏遺務令二百年之潛德軼事莫不彰明豈非崔潘王劉諸賢復見於今日哉特慮人往風微有所見異詞所聞異詞所傳聞又異詞者不無疑以傳疑之弊而善從長君子樂

潛江縣志

卷之首

續序

三

道其中女貞一條較舊志似繁然皆四鄉賢坤故老諸局閑報方懼疎漏之貽咎豈敢溢美以招尤原牘俱在悉可摭証茲因剞劂告成聊述大畧以備將來善作者之採擇焉若夫草創已矣討論修飾潤色端有賴於碩德名儒指其疵瑕予以裁成點鐵為金是吾輩之

幸也夫抑亦邑之幸也夫

邑人陳正誠謹撰

時年八十有二

潛江縣志

卷之首

續序

四

潛江縣志序

粵自禹功底定則壤賦成於是職方有志王會存圖而侯甸要荒無不登天府而羅指掌迨乎封建既廢郡邑區分漢興入關爭先圖籍則皇輿所載豈非總核天下者之大要哉我

國家振起維新撫有函夏方今

聖明在御兩葉重熙率土向風已盡海隅日出之地爰命幃幄大臣啟天章之秘閣輯一統之成書非徒潤色太平實臨馭萬方大法大經之所寄也雖然天下

潛江縣志

卷之首

岳序

一

者郡國之所積也郡國者又州邑之所積必州邑之書成而天下之書始不患其無成矣楚地稱雄南紀素為輿區從來問俗採風過都歷塊者無不致其流連憑弔之意余以茲春銜

命視學此方論文課士之餘時得與賢有司相接見往往挾其邑乘以為羔雉余為之展帙批圖蓋不啻卧遊而選勝云無何抵於郢境而潛江固郢之屬邑也邑令劉君亦以其所為邑乘問序於余余受以卒業始知此卷成帙有年而劄劂未就劉君

之志殆將竟前人之業而成不朽之盛者乎乃因之有所感焉自邑乘成帙以至於今固已幾經歲月止浮沈於存亡有無之間至此始得輯其缺略壽之棗梨非有過人之材識其能若是歟是劉君者固有以佐一統之全書報循良之最績而余當此地方且跼蹐鉛丹無才賦記亦聊藉此一二言以代俯仰無窮之思可乎是爲序

康熙歲次甲戌仲秋

督學使者岳宏譽題

潛江縣志

卷之首

岳序

二

重修潛江縣志序

聞之周禮外史氏掌四方之志大司徒職邦國土地之圖辯其疆域廣輪邱陵墳衍九穀五物之土宜施之十有二教以均齊天下之政焉後世郡邑志乘卽周外史所掌也政府監修卽周大司徒所職也但敘述典而有則紀載信而不誣後之視前不無時代升降之感矣

今上御宇旣久窮海臣服黑齒雕題重譯來王文德武功遠媿唐虞

潛江縣志

卷之首

劉序

三

詔直省各以其志上

宣付詞臣彙爲一統志百爾守令揆藻競陳余不敏荷蒙

簡命來蒞潛土管其井里凋殘於河伯視其黔首敝劫於庸調典型淪亡邑乘漫漶詢諸二三耆老迺知潛建邑自宋乾德迄今六百年矣志之修輯纔三見焉成化則豐城崔廣文萬厯則邑令潘公伯玘本朝則前令王公黃湄崔潘二志其詞畧其義簡質之弊難爲兩賢無譏焉王公之志討論詳矣辭采

瞻矣第視草未屬專家體例遂致互異有複有漏是亦白璧微瑕美錦片類也王公方欲考閱以成完書而青瑣

命下就徵車以去繼者無暇披覽每逢

憲司徵取但命胥史胡盧鈔謄應故事而已魯魚混淆卷頁倒置寢假至不可讀嗟乎邑乘者

國史之權輿也其可因陋就簡而不爲之改圖乎劉知幾曰文士多史才少發凡舉例任難輕畀謀諸鄉先生博士弟子僉曰朱君悔人譽擅三長昔嘗與

潛江縣志

卷之首

劉序

四

其太公石戶先生于役王公之志者也使君以禮延致之承家學修舊典新邑乘三美具焉朱君其必無辭余心儀朱君久矣戚戚有獲亟以朱君名請于

上咸報可愛開局傳經書院朱君固辭凡數往而後至取新舊三志損益折衷之成書二十卷離其目爲若干肇始于癸酉春訖事于甲戌夏豈樂爲是透遲哉蓋至詳且慎也雖然言志於今日亦綦難矣天官輿地有志保無有引星經而濫書瑞應越

畛域而橫稱勝蹟者乎學校饗祀有志保無有釋

奠之文弗詳于頌藻祈報之義不講於明禮者乎

縣紀志矣而沿革異制建置志矣而興廢異時風

土志矣而俗殊污隆產別物利其條分而總歸者

誰乎賦役以經國河防以利民志詎可忽歟願爲

斂不一條疏排不一法求其情關民瘼戒謹衣冠

洞然於胸而瞭然於筆者亦未數數見也蒞治之

賢否莫重於官師閭黨之勸懲端視乎先進則秩

官選舉人物三者尤宜加詳焉然忠節循良名賢

潛江縣志

卷之首

劉序

五

隱逸稽之邃古概難多得今論吏治則人盡卓魯攷德行則戶是顏曾老而耆者以節名貴而休者以隱著甚者執文一志原以紀地方利病著經濟遠猷是不可濫收也今則視崇庫以爲去取鄙言惡札連篇繆繆人物藝文至今何獨盛也修志如此而欲具裁於史館昭信於來世良亦難矣然豈所以語朱君哉朱君久讀東觀書天下通志無不流覽義例燉燠照計數故今者蒙筆事期乎信議採乎公文法乎古前賢之功在桑梓而澆沒者

攷諸家譜以表揚之列傳品題而未當者徵諸碑
乘而論定之刪譌正舛搜索精嚴間有疑義與余
不憚往復質論不市恩不恤怨庶幾古良史遺風
焉余承乏潛江閱今五載凜凜焉時負曠官之懼
是役也上副

聖天子一統同文之盛下舉數十年微顯闡幽之典余
亦藉手朱君可告無罪矣書成余捐薄俸以壽梨
棗命吏扁鑰藏弄所望後之君子讀斯志者勿徒
視爲紙上空文農桑是課不使有荒蕪之土田生

潛江縣志

卷之首

劉序

六

聚維勤無致有虛耗之戶口念民情之愚而化導
之恤士氣之衰而興作之剔奸布惠酌古匡時俾
荒陬僻壤皆歌樂土將鴻勳駿業與潛之川林原
隰輝映不朽豈非厚幸與

皆

康熙三十三年歲次甲戌夏五月之吉

邑令金明劉 煥撰

重修潛江縣志叙

清澗劉公蒞潛五年矣本休休惇大之懷而謙裕
才優振綱挈領百度聿興自公之餘取邑志反覆
尋玩見其篇次散漫字句脫誤如蠹書鳥跡之不
可讀非所以信當代昭來禎也作而曰邑有志猶
家有乘國有史雖記事之書要皆有風厲之旨焉
嗣而葺之此最今日急務但其學其才其識非其
人莫任博採名宿僉以邑紳朱君悔人對爰治傳
經書院三往迎致之朱君通儒也探四部之精蘊

潛江縣志

卷之首

朱序

七

蠟屐畫舫踪跡徧南北爲

輦下諸公所推授書國塾金張小侯多出其門今需次
家食屈於大夫聘使乃博蒐遺書周咨故老閉戶
澄觀筆削校讐閱寒暑而志成其辨而不華則司
馬也其詳而有體則孟堅也其矩矱則一本於紫
陽一俊循環之未嘗不流連三歎也

今天子以天縱之姿振斯文之統萬國咸宜徵文考獻
豈容或畧若潛之今志凡數十年來政治之得失
文質之損益人物之迭興謠俗之屢變數取其詳

義歸於確朱君有詞皆大夫命之也行將上之

當此儼然古名臣陳水旱而奏幽風至於繕寫之工裝

載之肅亦深得涑水進通鑑遺意於此見我公事

君之敬焉謹按凡例於修渠墾田興學勸士數大務尤

爲加意蓋潛以澤稱淤決利害之故大矣公數馳

單車越陌度阡爲民計桑土又以人倫明而人才

盛未有不由於學校者以時鳩庀

廟貌輝赫夫隄防固則城池戶口田賦物產舉視諸此

學校修則選舉名賢孝義節烈舉視諸此今志所

潛江縣志

卷之首

宋序

八

書孰非公之力興富教足以法今而傳後者不啻

父母之爲子孫計久遠也於此歎我公愛民之誠

焉嘗讀緇衣之詩膾炙千古以其虛懷樂善也今

朱君雖潔清自好謝絕餽遺而公適館之忱極忠

且敬專其委任而不間以人言暇輒慰勞預證決

焉志成以助政教以表風俗人謂言氏之有澹臺

今猶夫昔也於此歎我公好賢之雅焉且賢如朱

君具有三長復備三善克禪名教益令人歎服不

置聞康熙壬子邵陽王公之志潛也延朱君太公

石戶先生共事編摩未脫草而王公擢諫垣去故

迄無完書石戶先生居嘗悒悒今地下之人慰矣

若談之有遷彪之有固所以繼父志也朱君之學

師承邵陽者也昔邵陽令潛多善政時會遷移漸

更故轍朱君理其志而修復之凡所設施俾無隕

墜所以闡師學也李子世儒爲朱君研席交才逸

行端玉樓蚤赴名幾湮沒弗彰朱君特徵顯闡幽

協於公論所以篤友誼也嗟乎文章一道至史尤

難家孟季俱忝列史職期是非不謬於聖人常以

潛江縣志

卷之首

宋序

九

弗克勝任是懼一俊膺潛鐸幸逢盛典以朱君之

學之才之識雖有東里無所施况一俊負質樸魯

其敢妄肆是非於丹黃之下耶惟樂其成而據蠡

管之所及者質言以書諸末簡若大夫之鴻猷異

政他日彪炳海宇自有旂常竹帛與掌

國史者大書特書豈余詹詹小言所能罄其萬一乎

謹序

潛江縣儒學訓導黃岡宋一俊拜撰

潛江縣志序

潛江縣新志者君侯清澗劉公慨然有事於前侯
邵陽王公垂成之典暨邑大儒石戶朱先生應聘
而出其腹笥蒼聚揚推規撫犁然具矣無何邵陽
公入諫垣塹黷之氛孔熾朱先生遯荒攝疴無暇
命子墨所存藁本僅數卷在架閣者率漫漶無倫
脊吾鄙未嘗不太息於斯焉至是君侯以禮爲羅
專屬之先生長公吾友朱晦人氏迺克負厥考之
重荷師承邵陽公大指恢廓光大之而成是書也

潛江縣志卷之首

莫序

十

君侯蒞惠吾潛閱五稔振興綏乂式譎且舞延登
簡在之需時重念潛雖藪澤介江漢之匯支郢僻
荆曩者疆事之不虞輸輓郵頓所悉集墟疏而善
徙歲歲與蠟獮爭命下農終其鉏耦乏車牛遠服
之利窶人子乾餼不給或漸於鬻縫掖守佔畢維
謹淵源濡染不乏方聞之士而謹譁以煩鱣撻者
不恆有此其大較也邑誌之弗修自萬厯中葉迄
今且八九十年時亟變而事彌滋凡邑土田之俄
沃俄磽戶版之脩盈脩縮租挈踐更之或均或賦

先賢士大夫之擘畫指陳者或語而弗詳變故以

來毅魄貞媛之扞難嬰荼者或堙而弗耀苟掌故

之罕備其何能國君侯之汲汲爲已任也固宜君

侯惇敏肅括布施之優裕謚如也迺時時屏騶御

就館局中與悔人敷衽細論參伍絜量勿狃於膠

柱勿哆於更紕比周勿徇浮聲勿獵凡誌一事必

闡發其處置是事之宜誌一人必推見其人歲久

論定生平不欲自白之至隱俾司牧者讀之喟興

其忠勤利民之志而大書特書媿慙貞表之故尤

潛江縣志卷之首

莫序

十一

足以祈進滌濯交勉於善而不勌倘輶軒使者采
謠俗以上於

天子昭其戒董風示州郡大小侯聿底於由庚無難邑

乘之良不誠與左右史相表裏矣乎若作梓材維

君侯式樸斲之維悔人式丹腹之展采之實與行

遠之文交鬯而競爽洋洋焉臺臺焉眎楚國舊典

長沙襄陽諸紀載茂如矣或有獻疑於予者謂章

楓山誌蘭谿康德涵誌武功纒百餘版耳到於今

稱之文之繁簡宜何居予听然而笑是知臆脛之

不可以續而不知鶴脛之不可以斷也司馬子長
記二千餘年事文成數十萬言班孟堅記二百餘
年事文成亦數十萬言蓋既遠者識修短既邇者
辨黔皙非目治之有費與勿費也勢則然也夫文
繁簡豈一端而已亦其言之各有當也議者迺欲
取隆萬以前之葦籥律啟禎以後之宮懸何其固
歟海內知言之君子不乏君山立晏其人者析羽
注旌蔚爲弁首非堊人老且既所克勝任也姑識
其端委於末簡云

潛江縣志

卷之首

莫序

三

康熙三十有二年龍集甲戌星虛之次

邑人八十叟莫與先拜撰

重修潛江縣志序

嘗記吾師阮亭王先生之言曰海內邑志最善者
無踰義烏而黃涓王先生又亟稱武功義烏志出
黃文獻潛手武功志出康修撰海手俱以邑人修
邑志辭簡而核旨約而嚴蓋謂得其人志其事而
始足傳也予質鈍以蒙少會涉獵經史長游京洛
從學於二王先生竊聞其論古今得失上而墳典
邱索下而志傳表紀躬承指授十年於茲念久違
養兩親鼓柁南歸時邦大夫清澗劉侯令吾邑三

潛江縣志

卷之首

朱序

三

年矣政教翔洽百廢具舉顧邑志之未修謬以編
輯見屬予遜謝未敢承侯重辱使命曰昔萬厯間
前令潘公修縣志邑副使歐陽公侍御劉公西鄉
令李公實共厥事今君拒之爾爾豈不潘令我乎
同里諸學士大夫亦遣劄使曰百年典章君所習
諳先達名公卿待論定者幾何人興革利病待酌
定者幾何事願勿違使君之請先君子呼載震命
之曰而不憶邵陽公修志乎於役蒐討老人有一
日之勞大業未竟將恐遺憾地下今得賢使君修

明自任宿願可售而奈何逡巡不赴乎義不敢再
辭侯遂以載震姓名聞之

臺憲郡伯諷期赴局檢舊志尋釋爰知修輯之不易
吾潛尤甚焉潛志創輯爲豐城崔公繼輯爲婺源
潘公三輯爲邵陽王公崔志紀述弗備闕漏恆多
始宋乾德迄明成化志僅一帙抑何陋與潘志視
崔則進矣王公之志先君子與過勗向公共事編
纂論次精體例僅王公方欲校二家論斷以歸畫
一而掖垣

潛江縣志

卷之首

朱序

古

命下無暇卒業向公與先君子各屏跡荒村書迄無成
夫居今而知上古以有圖史之可稽也今志乘簡
畧如此一邑之沿革豈能憑虛臆斷乎古人國史
之無稽類參家乘吾邑鉅公碩輔代不乏人歲月
寢遠孫子散亡無從問其譜牒間有存者而其後
什襲之不以示人甚且令子慈孫欲表彰其先世
以鴻儒石隱忠節孝義紛紛踵告概徇所請何堪
傳信潛濱河而處其民皆窳鮮蓋藏吏善因緣爲
奸蒞斯土者愷悌之績簡不勝書而虐民稅政亦

復不少將錄其實恐涉質直以中所諱顧前事者
後事之師不縷晰其臧否後人何所鑒戒而觀法
乎予搦管踟躕深懼有負任使賴侯以虛明之懷
精嚴之識時相訂晰其名蹟災祥土風典禮諸條
有往事之可徵者則筆之否則宜闕其疑勿蹈附
會其士女之懿行往徵諸故籍近致之鄉許匪是
勿收以滋冒濫其應政之設施某也得某也失孰
爲廢孰爲興必核必信不浮夸不曲諱以侈鋪陳
每一卷成侯與予必反覆點勘而後授梓未嘗瞻

潛江縣志

卷之首

朱序

五

顧於楮墨之間閱寒暑而竟事夫潛六百年來其
賢侯之炳煇者崑山朱公均徭築城以衛民生邵
陽王公清田賦禁協夫以除民害皆萬世利也若
夫合累志爲筆削著百代之勸懲則清澗劉公之
功德又並崑山邵陽而三之焉所媿者予鹿鹿研
北得執筆操鉛以從公不朽語曰蒼蠅千里附驥
驥而致之者殆公與予之謂與

康熙甲戌夏五月上浣

邑人朱載震拜手謹撰

潛江縣志舊序

記事者必提其要今既因邑以作志凡百皆統於邑必首之以分野次之以輿地其縣治公署物產貢賦學校人材禮樂風俗祀典文獻忠義名節必皆次以書之然後綱舉目張燦然可觀又曰記事失之泛畧則非實錄必事事之顛末考之加詳訂之加密然後滄海不歎遺珠崑山不混玉石予因是承其志復次其事之先後考其事之是非類編以成帙焉將壽諸梓又屬予序之夫修志固賢侯之盛心而作志之綱目務在畢舉事實必

潛江縣志

卷之首

一

貴綜核尤見其學識之充周顧予安敢辭以固陋乎切惟古之居一里者生男必閭史書之是一里猶有志也况一邑乎邑志合而後為郡志郡志合而後為國志國志合而後為天下一統志從古為然昔我英宗睿皇帝臨御之日萬幾之暇乃命儒臣合列國之志編成大明一統志昭示天下於戲是書乾坤之量包括乎宇宙日月之光照耀乎古今猗歟盛哉顧茲邑志草創不易討論尤核固亦曰備他日郡國之采也然綱目絕無舛戾事蹟頗自精詳非承賢侯之志烏能成此一邑之書乎

名華字文美其操心為政固見於名宦傳中若其大修學校振作士氣裁革弊政休養生民尤其所急故併書之以告將來弘治壬戌孟春潛江縣教諭豐城崔崧撰

又

邑固有志乎曰有晉乘楚檮杌非志也與哉志可為史乎曰不可史具善惡志有善無惡史以年紀月月紀日日紀時時紀事志詳於事而年月日時錯見非史體也然則志遂不可為史乎曰謹祥異悉疆界蒐財賦列人物明時制輯百家眾技採言之善者著于篇亦古史

潛江縣志

卷之首

二

遺意也志不史而史也潛為邑弗肇於古禹貢書浮於潛傳云自漢出為潛潛四境皆漢四百里而合於江今之潛由古之潛舊隸於荆為屬邑世皇纒統割入郢遂為郢地郢屈宋故墟也山川錯麗至潛盤迴漫衍人文之盛幾與郢等余至潛甫下車即詢邑乘漫滅無紀慨然請之憲臬既得允則徧就縉紳先生之廬而訪焉因開局延憲副歐陽君侍御劉君令尹李君董其事而以文學李生張生先後校輯自春迄冬越九月成編凡天文輿地建置戶口物產錢幣人物技藝畢舉與革之際

間有取裁焉因悉出俸帑付劊劊氏卽不敢方之古亦
近日之良史也雖然余嘗謂潛有三美五蠹其君子秀
而文其小人樸而野其俗質俚而鮮浮僞畏吏議甚於
蛇蝎是爲三美皇莊王田錯壤而列佃民挾倨縣官不
能制北受襄川之流南接荆岷之派春夏水溢防隄稍
疏衝囓爲患四廬渰蕪時漂溺於洪濤巨波之間人無
百年之業土廣人稀歲歉四方就食歲稔還問里閭輒
稱祖墾有數十年之後易姓受戶而爭訟突出有司不
察憐其流移輒與收復遂釀成絕戶佃價之說以爲是

潛江縣志

卷之首

舊序

三

固當然地接襄郢通景沔荆江四通之途差使往來絡
繹不絕養馬之家什九仆死什八逃移一歲數易給募
更替四顧郊垆無高山大阜之隔民易轉徙爲奸急則
竄匿莫可究詰是爲五蠹具三美兼五蠹予欲削蠹以
全美而力不能今且搜括四出而民生日耗矣司牧者
奈之何其以邑全也噫美者自美是務崇之蠹者爲蠹
是務委曲調停之是在良有司耳此又誌外遺意也是
爲叙時萬曆庚子初冬吉日
賜同進士出身文林郎知潛江縣事麥源潘之祥撰

又

今天下郡國州邑率有志義不過隨其疆土風氣民物
謠俗之常而布諸方冊以爲觀省者據跡爾非屑屑焉
續綴爲耳目張也余觀禹貢周職方則固志邑者權輿
矣今言之抑何其瑣悉而近俚也夫其田賦有高下墾
墾有黎赤九鎮九澤不同區五戎八蠻不同服列而載
之宜也乃若篠簜箇籥淮蠙江龜海錯之纖繁以至於
男女閨闈村落器資等物至微至賤有閭井小民所不
能口之公司縉紳先生所不及形之顧問者而二經咸

潛江縣志

卷之首

舊序

四

取而收載之不遺餘力求所謂殊原勝聞魁閎綺麗之
語則寥寥無少概見焉然後知古聖人紀蹟命意無一
非根于方域因乎民生日用而罔所庸浮文羨節也晚
近學士家厭薄一切飲食居處而恢輝之卽有事于輯
志者延英分局歷以歲時劊劊而著行豈不亦哀然足
述乎乃覈其中之就實焉茂如矣故討論疎則掛漏雜
出黨附人則諛貶互乖甚者管窺道聽之見害且移謎
于城郭陵谷焉余嘗觀水經所紀洪源東駛沿襄郢達
內方折於蘆泆河始知遶而匯蓄爰是爲潛水然則潛

固水之注也今縣以水名田漁相半能無虞於氓粒乎其區夙隸吾南郡自皇祖龍飛安陸升州爲府割潛而附之遂號湯沐左臂輿塞之隩要視昔更倍顧數十年以來漢益不用其道民幾爲魚而比者公家渙令日新中涓虎翼而咆哮於祖宗根本之鄉直奔髦而視之長民者日兢兢奉行救過爲地方計旦夕之命之不給而尙及於典籍風教乎是其居地之重旣若彼值時之艱又若此蓋非志邑難志潛之邑難非志潛之邑難志潛之邑於今日爲誠難也維潘君以制科發家蒞事甫數

潛江縣志

卷之首

舊序

五

月政通民和百廢釐飭乃孳孳封井民社之寄而首念於斯爰請於監司卜祥設館禮下鄉大夫士之賢者某某編庠裁潤諸所因革廢置出侯正定者半以紀表志傳欸爲四目起自縣紀天文以第于藝文諸類凡十五卷余卒業而覽之本末兼備先後有緯其條列若鱗之次其評確若城之森將令後之按圖而考方里援帙而欽文獻者若身履而目擊燭照而數計無毫末之爽也則侯之功詎非卓歟獨媿予不嫻于詞侯乃遣之書曰潛水荆馬大夫起跡于荆其無忘桑梓幅壤以一言冠

其簡端也嗟夫以荆視潛潛邑而荆則郡以余視荆與潛潛隣而荆則居其劇滅遠邇有差矣乃今荆志未歸于當余宜坐視而三緘而侯命之辱顧欲持不腆以塵潛諸君子之成編余則安能不避席而謝不敏哉雖然古者列國均有史世史職之邑之志卽國之史也余典在掌故三十載迨今髮日短矣旣無能撈管以鋪陳南郡之風土文物而又不能藉近邑之寵光以抒其違鬱焉是愈隳其職也故因侯之請也聊取衷於禹貢周職方之旨旁鑿於叔季飾靡之非申之以令侯之休嘉終

潛江縣志

卷之首

舊序

六

之以本領之慚缺而脫草以副鈇擇焉已爾如猥云將必假邱里之談而首括斯刻也則中自有合邑諸大夫之記撰在萬曆庚子仲秋月
賜進士第通議大夫禮部左侍郎兼翰林院侍讀學士總裁正史經筵講官江陵劉楚先撰

又

寅昔觀風於大江之南北歷十五郡凡所至咸先以志書呈覽一展卷則山川之形勝戶口之夥寡職役之輕重人物之事實罔不畢載燦然如指諸掌此蓋世於周

禮小史掌邦國之志而作迺郡縣之不可無者也吾潛江漢朝宗之區爲聖天子湯沐邑鍾和毓秀神化誕敷人文彬彬稱盛矣而志獨缺然萬厯庚子春邑大夫潘公以名進士銜命來蒞茲土爽朗慈祥愛民禮士杜苞直清訟獄齊以禮教未嘗一切繩之以法甫五月政通人和駸駸然向治矣偶爾詢及縣志久廢歎曰文獻之邦志胡可少乎此有民社者責也遂請於當道可其議迺開局延賢謬屬寅以編摩之任且曰夫志也往者不書則遺存者特書則諛諸公其慎之寅承委與諸君子

潛江縣志

卷之首

舊序

七

夙夜以興採之遺文訪之故老循其舊章益以新制別欸分目辨疑叙類始之以縣紀天官紀輿地紀秩官表人物表次之以建設志秩祀志學校志土賦志防圍志又次之以名宦傳人物傳勲封傳藝文志二共十五卷閱月稿就大夫取而視之喜曰是志也事核而不浮例確而不虛淑慝以著往美刺以誨來潛其可觀矣乎大夫復親爲釐正潤色之俾益詳盡典雅於是付之剞劂以成一邑曠世之典然是編也可以信今傳後亦不過紙上陳迹耳大夫之誠懇孚於士庶美意通於良法端

本出治要不在於言語文學問者志天地則思所以經緯之焉河防則思所以保障之焉土賦則思所以封殖之焉學校則思所以作興之焉秩祀則思所以感格之焉名宦則思所以匹休之焉鄉賢則思所以崇禮之焉忠孝節義則思所以表揚之焉不徒爲虛文而皆見之於躬行不徒爲今日之美觀而爲將來之取法此大夫之志也亦大夫之所優爲也用以維持世道保乂黎庶而聲施於後世者不朽昔子游仕魯而武城之名彰邑有大夫吾潛之名不益重耶斯時洪濤爲殃權稅繁重

潛江縣志

卷之首

舊序

八

大夫禦災捍患薄斂緩征城垣護之磚石門庭爲之改觀諸凡舖舍隄院漸次修築而於民無擾四境藹然春風而堂以內則湛若秋水此潛民一時之幸百年之奇逢也因此併及之而叙諸末簡萬厯庚子歲仲秋日中順大夫江西南安府知府前南京都察院山東道監察御史奉勅巡按直隸兼巡視京營京倉邑人劉寅頓首撰

又

古者列國有史自秦罷侯置縣畫疆而理命之分土視